

Imbabura - Cushichi Dios Escribichishca - Comfort Scriptures

- 2 Corintios 1:2-4 Ñucanchi Taita Diosplash, Apunchi Jesucristopash, ninan juyaita, casilla ali causaiguta cangunaman carachunmi munanchi. 3 Ñucanchi Apunchi Jesucristopaj Taita Diosca, ninanda alicachi tucusca cachun. Paillami, ñucanchita ninanda llaquij, tucui cushionchij Taita Dios. 4 Ñucanchita jatun llaquicuna japijipash, Diosmi cushionchin. Shujcunata jatun llaquicuna japijipash, Taita Dios ñucanchita imashna cushionchinshnallata, ñucanchipash cushionchi ushachunmi, chashna cushionchijun.
- Proverbios 15:13 Cushilla shunguta charij runaca, ñavipash cushionchillami.
Ashtahuangarin shungupi llaquilla cajpimi, yuyaipash llaquilla.
- 1 Reyes 8:66 Chai cayandi pusaj punllapimi Salomonga, gentecunataca cayacaman nishpa cacharca. Chashna cachajpimi, paicunapash jatun mandajta bendiciashpa, paicuna causanajuj huasicunaman, paicunapaj shungupash ninanda cushionchijushca tigranajurca. Paita servij Davidman, pai agllashca israelcunamambash, tucui alicunata rurashpa Mandaj Dios carashcamandami, chashna cushionchijunajurca.
- 1 Crónicas 16:10 Jucha illaj paipaj shutipi ninanda cushionchijuchi. Mandaj Diosta mascajuncunaca, tucui shunguhuan cushionchijuchi.
- Proverbios 12:25 Runapaj shungupi llaquilla canami, ñavita urai cumuchin.
Ashtahuangarin alita rimashca shimicunaca, cushionchinllami.
- Proverbios 13:12 Imata shuyajushcapash na ucha pactajpica, shungupimi ninanda llaquirin. Ashtahuangarin imata munajushcapash pactajpica, causaita cuj yurashnami.
- Isaías 30:26 Lunapash, indishnami punchayachijunga. Indipash, canchis punllata punchayachijutaca, canchis viaje yalimi punchayachijunga.
Mandaj Dios agllashca gentecunata huatachishpa jambijui punlla, pai cachamushca carachata jambijui punllami, chashna tucunga.
- Oseas 13:8 Huahuacunata chingachishpa, fiñarishca purijuj mama ososhnami, israelcunata tarishpaca, shunguta llujchishpa shitasha. Paicunataca, millai león micunshnami, chaipillata ñutushpa tucuchisha. Paicunataca, sacha animalcunami ñutunga.
- 1 Samuel 1:8,10 Chaimandami paipaj cusa Elcana runaca, cashna nirca:
“Ana, ¿imashpata huacanguí? ¿Imashpata na micungui? ¿Imamandata cambaj shungupica, llaquilla canguí? ¿Nachu ñucallata cambaca, chunga churicunatapash yali caní?” nircami. 10 Chaipimi Ana huarmiguca, tucui almahan llaquirishpa, ninanda huacashpa Mandaj Diostaca mañajurca.

- Salmos 25:16,17 Ñucataca ricuhuayari, llaquihuayari. Ñucallamari cani, llaquihuanmari cani. 17 Ñuca shungupi llaquicunaca, ashtahuauanmari mirashca. Cai ninan llaquicunamandaca llujchihuayari.
- Salmos 34:18 Mandaj Diosca, shungupi ninanda llaquirishpa causajcunapaj ladopimi. Shungupi ninanda llaquirishpa causajcunatami quishpichin.
- Salmos 38:8 Ushai illajmi cani, ninanda ñutushcashnami cani. Ñuca shungu nanaihuanmari aij nijuni.
- Salmos 55:4 Ñuca ucu shungutaca nanajumbachami. Huañungashna manllaimi, ñucapajman shamuhuashca.
- Salmos 61:2,3 Ñuca shungu ña huañugrijunshna cajpimi, cai pacha tucuri manñamandapacha candaca caparisha. Ñucata yali ashtahuau jatun rumi jahuaman pushahuayari. 3 Canmi, ñuca pacajuna carcangui. Ñucata fiñajcunapaj ñaupajpica, shinllipacha torreshnami carcangui.
- Salmos 62:8 Gentecuna, tucui huatacuna paitalla shuyaichiyari. Paipaj ñaupajpica, tucui shungu mañaichiyari. Taita Diosmi, ñucanchi pacajuna. Selah
- Salmos 73:26 Ñuca aichapash, ñuca shungupash ña huañunallami tucujun. Ashtahuangarin jatun Rumishna Diosca, ñuca shungupi ushaita carajmi. Taita Diosca, tucui causaipimi imagutapash carahuan.
- Salmos 77:2,3 Ninan llaquita apajui punllapica, Jatun Diostami mascarcani. Tutapash maquita vichai churashpami, na samashpa paita mañajurcanilla. Ñuca almaca, cushijuita na chari usharcachu. 3 Taita Diosta yarishpami, ninanda llaquirircani. Aij nijupillatami, ñuca espiritupash shajurca. Selah
- Salmos 86:11 Mandaj Dioslla, cambaj ñanguta rijsichihuayari. Cambaj na llullaj ñambimi, ñucaca purijusha. Can Diosta manllashpa causajuchunga, ñuca shunguta shinllichihuayari.
- Salmos 109:22 Ñucaca, llaquilla causaj imagupash illajmari cani. Ñuca shungupash, chugrishcamari cani.
- Salmos 112:7,8 Ima llaquicunata villajpipash, na manllangachu. Paipaj shunguhuanga, Mandaj Diostami ninandapacha yariajun. 8 Paipaj shungupica, imatapash napacha manllangachu. Paita fiñajcunata, pai munashcashna tucungacamani, chashna causanga.
- Salmos 143:4 Ñuca espirituca, ñucapillatami ninanda llaquirijurca. Ñuca shunguca, llaquihuanmi tucurijun.
- Salmos 147:3 Shungu faquirishcacunataca, paimi alichin. Chugricunatapash huatachishpami alichin.
- Proverbios 14:30 Cushilla shunguca, cuerpomambah causaita cunmi. Ashtahuangarin imatapash ñucapaj cashcanman yashpa ricunaca, tullucunata ismuchinshnami.

Eclesiastés 1:13 Cai pachapi tucui imatalla ruranajushcata yachangapaca, tucui shunguhuan, alipacha yachaihuanmi callarishpa ricujurcani. Chai shinlli ruranata rurashpa causachunga, Taita Diosmi huañuna aichayu runacunaman curca.

Eclesiastés 2:10 Ñuca ñavihuán imata ricushpa munashpapash, na jarcarircanichu. Ñuca shungupi imahuanlla cushijunamandapash, na anchurircanichu. Ñuca shunguca, imatapash rurashcahuanmi ninanda cushijurca. Ñuca imatalla rurashcamandaca, chaitami japircani.

Eclesiastés 2:22,23 Ashtahuangarin indi punllayachijuj cai pachapica, paipaj shungupash shaijujta imatapash ninanda ruraj runaca, pai imatalla rurashcamandaca, ¿imatata jape? 23 Paicunapaj tucui causai punllacunapimi, imapash llaquitalla, nanaitalla apanajun. Paicuna imata rurashcapash fiñachingapajllami. Paicunapaj yuyaica, tutapash na samanllu. Chaicunapash yangallami.

Eclesiastés 11:10 Cambaj shungumandaca, fiñarina yuyaita anchuchingui, cambaj cuerpo huan ima nalita ruranamandapash anchuringui. Chaira viñaicuna chairalla cashpa cushijuna punllacunaca, ñapash tucurinalla yangapachami.

Isaías 30:29 Ashtahuangarin cangunaca, pascua tutapi fiestata rurashpa candanshnamí cushijushpa candanguichi. Israelcunaman Ushaita cuj Mandaj Diospaj urcuman vichai rishpa, gaitata tocanshnamí, cushi shunguhuan canguichi.

Isaías 57:15 Paica, causaita causaicaman jahua pachapi causajmi, tucuita yali Jatun Diosmi. Paica, jucha illaj Dios shutimi. Paimi, cashna nin: “Ñucaca, ima juchapash illaj, jahua pachapimi causani. Llaquilla causajcunata, shungupi na jariyashpa causajcunata ayudashpami causani. Na jariyashpa causajcunaman, llaquilla shunguta charijcunaman causaita cungapajmi, chaipi causani.

Isaías 65:14 Ricuichi, ñucata servijcunaca, tucui shunguhuan ninanda cushijushpami candanajunga. Ashtahuangarin cangunaca, shungu nanaihuanmi, ninanda caparinguichi. Cangunapaj espiritupi llaquilla cashpami, caparishpa huacanguichi.

Isaías 66:13,14 Shuj mama paipaj huahuata cushichinshnami, ñucapash cangunataca cushichisha. Jerusalenbimi, cushijuita japinguichi” ninmi. 14 Cangunaca chaita ricushpami, tucui shunguhuan cushijunguichi. Cangunapaj tullucunapash, jihua verdeyanshnamí mushujyanga. Mandaj Diospaj maquica, paita servijcunapaca rijsishcami canga. Ashtahuangarin paita fiñajcunataca fiñangami.

Jeremías 15:16 Cambaj Shimita ñucaman cujpica, ñucaca micurcanimi.

Cambaj Shimica, ñuca shungupi ninandapacha cushichingapajmi carca. Tucuita Mandaj Dioslla, cambaj shutita ñucamanda alicachinajupi, chashna carca.

Jeremías 24:7 Ñucataca, Mandaj Dios cajta rijsichunmi, paicunaman ali shunguta cusha. Paicunaca, ñuca agllashcacunami canga. Ñucapash, paicunapaj Taita Diosmi casha. Paicunaca, tucui shunguhuan ñucapajman tigrarijpimi, chashna rurasha" nihuarcami.

Juan 14:1 Quiquingunapaj shungupica, na musparishpa pandarinachu canguichi. Ashtahuangarin Taita Diosta cringuichi, ñucatapash crihuachi.

Juan 14:27 Ñucashnallata causanajuchunmi, casilla ali causaiguta quiquingunaman carashpa saquini. Chaitaca, cai pachapajtalla rurashpa causajcunaca, na caraita ushanllu. Ashtahuangarin quiquingunapaj shungupica, na musparishpa pandarinachu canguichi, na manllanachu canguichi.

Juan 16:6 Ashtahuangarin chaita nishcamandami, quiquingunapaj shungupica ninanda llaquiyanguichi.

Juan 16:22 Shinallatami cunanga, quiquingunapash llaqui llaqui canguichi. Ashtahuangarin quiquingunata ricungapaj ñuca tigramujpimi, tucui shungu ninandapacha cushijunjunguichi. Chai cushijuitaca, pipash na anchuchi ushangachu.

Hechos 2:46 Punllandimi, Diospaj huasipipash shujlashnalla yarishpa tandanajunajurca. Shinallata paicunapaj huasicunapipash tadata chaupishpami, ali shunguhuan ninanda cushijushpa, tandanajushpa micunajurca

Romanos 9:2 Ñuca ninanda llaquirishcata, ñuca shungupi punllandínanachishpa purijutami yarichihuan.

2 Corintios 2:4 Chaimandami cangunamandaca, ninan llaqui shunguhuan ninanda llaquirishpa, viquisapa huacashpa escribimurcani. Cangunata llaquichingapaca, na munarcanichu. Ashtahuangarin ñuca ninanda juyajujta yachachunmi escribimurcani.

Efesios 5:19 Canguna purapica, Salmocunamandami parlana canguichi. Shinallata Diospaj Espíritu yachachishca juyailla candanacunatapash, Apunchi Jesusta tucui shunguhuan alicachishpami, candana canguichi.